



Concello de Vigo

D^a. NURIA RODRÍGUEZ RODRÍGUEZ, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 22 de novembro de 2018**, adoptou o seguinte acordo:

6.- SOLICITUDE DE GASTO COMPLEMENTARIO DO RC EMITIDO EN DATA 22/01/18 POR IMPORTE INICIAL DE 12.000,00 € PARA O PROGRAMA DE AXUDAS ECONÓMICAS DIRECTAS PARA MULLERES EN SITUACIÓN DE VIOLENCIA DE XÉNERO - ANO 2018. EXPTE. 8203/224.

Visto o informe de fiscalización de data 15/11/18, dáse conta do informe-proposta do 13/11/18, asinado pola xefa do Servizo de Igualdade, a asesora xurídica do Servizo, a concelleira-delegada da Área e polo concelleiro-delegado de Orzamentos e Facenda, que di o seguinte:

A Xunta de Goberno Local na sesión que tivo lugar o día 25.01.2018 aprobou o seguinte acordo:

“1º. Aprobar o «Programa de axudas económicas directas para mulleres en situación de violencia de xénero para o ano 2018 » que se recollen no Anexo I do expediente 8203/224.

2º Autorizar o gasto por importe de 12.000,00 Euros (doce mil euros), con cargo á aplicación orzamentaria “Bolsas económicas” 2311 480.00.00 do orzamento vixente, para facer fronte aos gastos que orixinan as axudas económicas directas de apoio para as mulleres vítimas de violencia de xénero.

3º Aprobación do texto da convocatoria do programa de axudas económicas directas para mulleres en situación de violencia de xénero durante o exercicio 2018 e do extracto da mesma, (Anexos II e III) que se remitirán á Base de Datos Nacional de Subvencións, en base o establecido na Resolución de 10 de decembro da Intervención Xeral da Administración do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións.

4º.-Autorizar a realización dun libramento a xustificar por importe máximo de 12.000,00 euros, a nome das funcionarias Cristina Gómez García, con DNI número 36.098.882-Z, xefa do servizo de Igualdade e Amalia M^a Gándara Fernández, con DNI número 36.107.637Y, traballadora social adscrita ao Centro Municipal de Información dos Dereitos da Muller, para facer efectivo os anteditos gastos, que se farán efectivos na conta restrinxida da Tesourería Municipal.”

A finalidade desta medida é dotar ás mulleres dunha axuda económica puntual, non periódica, que lles permita afrontar os gastos máis urxentes e básicos no proceso de ruptura e que poderán consistir en: cartos mensuais de peto, lavandería, alimentación, hixiene, farmacia, alugueiro, transporte, traslados de seguridade, actividades formativas, extraescolares, consumos, axuar e/ou outras necesidades urxentes e inmediatas.



Copia do documento - Concello de Vigo	Data impresión: 03/05/2024 17:16	Páxina 1 de 3
SUBVENCIONS	CSV: AFA84D-C3373C-B5D227-HNU571-HHHPG9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

No uso das competencias que lle atribúe o Decreto de Delegación de Alcaldía de 19 de xuño de 2015 e Acordo da Xunta de Goberno Local de 19 de xuño de 2015, a Concelleira de igualdade ten a facultade de conceder as axudas, previa conformidade da xefa do servizo.

As axudas económicas que se concederon ao abeiro desta convocatoria tiveron carácter temporal e extraordinario para atender situacións concretas derivadas da situación de violencia de xénero valorada e acreditada polo equipo multidisciplinar do Centro Municipal de Información dos Dereitos da Muller do Concello de Vigo. Durante o ano 2018 foron beneficiarias destas axudas un total de 23 mulleres, e a concesión axustouse á partida presupostaria “Bolsas económicas” 2311-4800000 do orzamento vixente da Concellería de Igualdade e ao importe de 12.000,00 €. En data 22.01.2018 Intervención Xeral de Fondos emitiu unha Retención de Crédito con nº 201800010000 por importe de 12.000,00 € para facer fronte ao devandito gasto.

Non obstante, produciuse un incremento da demanda que fai necesario solicitar un aumento na retención de crédito deste programa que permita tramitar as concesións de axudas ás posibles beneficiarias que valore o equipo multidisciplinar do Centro Municipal de Información dos Dereitos da Muller (CMIDM) no período que resta para finalizar o presente exercicio.

Por isto, solicítase unha retención de crédito complementaria ao RC nº 10000 por importe de 2.000,00 € (saldo dispoñible na partida 2311- 480.00.00) contía que desde o equipo técnico do CMIDM consideran suficiente para facer fronte á demanda no período que falta ata a finalización do ano 2018.

A concesión destas axudas tramitaranse de acordo cos criterios establecidos no marco de actuación aprobado pola Xunta de Goberno Local en data 25.01.2018.

Atendendo á instrución 1/2014 de Intervención Xeral en relación á aplicación da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da Administración Local, en relación coa citada Lei 27/2013, este servizo xestor informa de que as actuacións que esta concellería vai realizar baixo este expediente administrativo consisten en actuacións xa establecidas pola concellería de Igualdade en exercicios anteriores e con cargo á mesma partida presupostaría: “Bolsas económicas” 2311-480.00.00, tramitando en anos anteriores expedientes similares, sirva como exemplo: 5272/224 do 2012 e 5793/224 de 2013. Polo exposto anteriormente xustifícase a continuidade que require a norma.

Polo exposto, e previo o preceptivo informe de Intervención Xeral, propónse á Xunta de Goberno Local:

1º. Autorizar un gasto complementario do RC nº 201800010000 (tramitado en data 22.01.2018 por importe inicial de 12.000,00 €) por importe de 2.000,00 Euros (dous mil euros), con cargo á aplicación orzamentaria “Bolsas económicas” 23114800000 do orzamento vixente da Concellería de Igualdade, para facer fronte aos gastos que orixinan as axudas económicas directas de apoio ás mulleres vítimas de violencia de xénero no período que resta para finalizar o exercicio 2018.

2º.-Autorizar a realización dun libramento a xustificar por importe máximo de 2.000,00 euros, a nome das funcionarias Cristina Gómez García, con DNI número 36.098.882-Z, xefa do servizo de Igualdade e Amalia Mª Gándara Fernández, con DNI número 36.107.637Y, traballadora social adscrita ao Centro Municipal de Información dos Dereitos da Muller, para facer efectivo os anteditos gastos, que se farán efectivos na conta restrinxida da Tesourería Municipal.”



Copia do documento - Concello de Vigo	Data impresión: 03/05/2024 17:16	Páxina 2 de 3
SUBVENCIONS	CSV: AFA84D-C3373C-B5D227-HNU571-HHHPG9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a data da sinatura dixital.

CCA/me

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 03/05/2024 17:16	Páxina 3 de 3
SUBVENCIONS	CSV: AFA84D-C3373C-B5D227-HNU571-HHHPG9-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		